

琉球民族独立総合研究学会 設立趣意書

琉球ぬすまんがまれーて にーばうるしきーだ 琉球ぬびとうぬめーだーや「琉球民族」であんく たんがーぬ民族どうやる。 15世紀ぬなから ポルトガルぬびとう トメ・ピレスぬかくだ「東方諸国記」なんがー 琉球民族やレケオ人、 ゴーレス人でゆばれー うぬびとうぬめーだーや でーずぬまんがーぬむやり ぴとうゆかいたる かーしうたるやさぬ。 またのーぬあらばん どううすまぬびとうゆ だましうたるやさぬ どうぬうやばーふじう きょうだいしゃー あいじゅぬたみやるかーしうなばんみしゃーんでうむいる でどうかかれーる。

琉球やむとう独立国やり 「歴代宝案」かい かかれーすや アジア諸国とう外交関係ばとうりかーし 19世紀ならぬからなんがれー「欧米諸国」とうん友好条約ば とうりむすびうだ。

なまー琉球ぬ島々なんがれー「琉球民族」ぬすみ、また とうー、やまとう 世界ぬすまずまなんが琉球民族ぬくらしうん。 ぐにんなんがびとうげーら「世界のウキナーピトゥ大会」ぬ琉球なんががびらかれー、2011年なんがや 5回たいくあいんぴらかりだ。 2012年 ブラジルなんが「第一回世界若者ウキナーピトゥ大会」んむつあり、琉球民族や移住先なんがりん どうぬまり島ぬくとうゆ ばすきなーうり琉球ぬ文化、すまむにゆ つたやー琉球民族ぬ にーばはり どうぬすまゆ 誇らしやーでうむいネットワークばつくりきいだ。

1609年ぬ薩摩ぬ侵攻からー1879年や明治政府かい琉球併合されーうりから琉球や、やまとうとうあめりかーぬ植民地なーしなりぬ。 琉球民族やどうぬあんくすん とうーらぬ国家ぬぬぬびとうにんぎんかいなりたかーににんぬやまとうーからーみーかー つんとうーまぬ琉球民族や やまとうーとう あめりかーぬうもうとうーるし つかーれー差別、搾取、支配されーきーだ。 またん1945年ぬいくさんなんがー やまとうゆまぬるんで琉球ゆ捨て石しー 1952年なんがーやまとうぬ主権回復すんで琉球ゆアメリカーかい質草でいれー、戦後27年ぬなーるなーる米軍政府かい うさいられーいたみつけーられーきーだ。 ばがたーけーらぬ うぬしゆくまちだ 1972年ぬ日本復帰やらばん、うもうだくとうとおーや かーり なまん日米や「日本国土」ぬつんとう 0.6%る琉球なんが米軍基地ぬ 74%ば うすつけーうるくとうゆ みいばん なまぬ状況や あきらかどうやる。 ゆくん なまうくりくとうや、1997年 米軍用地特別措置法改定し琉球ぬずうば ふんばがいうりから全 42 議会ぬ反対決議、知事、全市町村長、琉球民族ぬむーる反対しーるなか 2012年 日米やどうかっていーし MV22 オスプレイゆ琉球なんが強硬配備しーぬぬ。 うりんくりん琉球差別 うりゆ植民地支配でえあんなーかーのうどうやりや。

やまとうびとうぬめーだーや琉球ゆ うさいつけー なつたー「日本の平和と繁栄」ばたむちはらでうむいる。 くぬままつくぬーばがだー琉球民族やくぬさきん ふあーまぬあとうまでいんみるくうゆーば なんかいるくとうやならぬ。 なーい戦争ぬしゅばばしー きうむやましううらなーかーならぬ。 ふかなんがん、やまとうぬ企業 島なんがへえりきいーだやまとうびとうぬめーだーぬ 経済支配ぬん進みどううる。 うれーやまとう政府ぬはかりる振興開発計画し ただーい進みられー琉球ぬ環境ぬんかあーり 民族文化ん大和文化かい変ーらなーかーならなーなり どうぬ文化ゆばすけー肝こころむちゆ までいん大和化し、むかすからぬ 琉球ぬあつたらさーぬ きむくくるまでいん植民地化ぬすすみどううる。 かんじるとおーや奴隷的境涯であんかりどうすう。

むとうむとう琉球民族や独自ぬネーションどうやる。 国際法なんが保証されーる「人民の自己決定権」や あつたるまいぬ琉球民族ぬむちる権利どうやる。 琉球民族ぬ地位 未来ゆ きみすや、ばがだー琉球民族どうやる。 琉球民族や土地権、生存権、環境権、発展権、民族自治権、内政権、外交権、教育件、言語権なあだぬ集団の人権ゆむちる民族どうやる。 琉球や やまとうから独立しい、なまある軍事基地ゆ むうーる撤去し あーらさーん琉球や、ていぬすたぬ国々 まだ地域、民族とう むつうまさーし琉球民族ぬ ぬずみうだ平和と

う希望ぬみるくゆうーば どうな一だあーし つくりはらばどうやる。

琉球民族や独立ゆ すーばどうやるでにがい、琉球民族独立総合研究学会ゆ設立すん。 くぬ学会会員や琉球ぬすますまなんが うやふあーふじうから にーばうるしる琉球民族どうなる。 くぬ学会や「琉球民族ぬ琉球民族ぬていーし琉球民族ぬたみぬ学会」どうやり、学際的観点から琉球独立ぬたみ ていしうみがくむんゆすん。 うぬ学会ぬにんじゅや琉球ゆ きむぐくるから あたらさうむい独立ゆにがいる琉球民族どうなる。 ていしうみがくむんや 学者かい あんばかしうつうくむぬや あらぬ。 琉球民族ぬびとうるびとうるぬ ゆーみやー ゆーすき ゆーかんがやーり植民地主義ぬ いるいるぬ問題ゆ のーさばどうみしやーんなるかやーでむーるしかんがい あきなみるかー んめーんやらばん うりゆ解決すーずんぶん、つからんいでーきー 琉球民族ぬくくるから ぬずみる きうむゆりし くらすんなるん。

琉球ぬ独立や ういばりりんかやあー ういばらぬかやーで うむいまーりうす やかん 琉球ぬ独立やういばりんで うむいきし 琉球ぬ独立ぬたみなんが やくたつんむぬぬ研究、 討論ばんす。 独立ゆ みーなしうんたなんがーのうどう いらゆーぬむぬかあ また世界ぬ植民地なんがれーのしし独立やならりだー 独立ぬまいあとうぬ経済政策、政治・行政・とう やまとう うらんだーとうぬびらいだーだゆ 討論すん

琉球民族であんくすや のうしるびとうにんぎんやりや であんく概念規定とう民族ぬにーなんがむちる いちゆくくる あんくかーアイデンティティーやのうしどうある すまむにゆ どうぬむにでえ とうりうむどうしうんすくみ アート ならーしう ジェンダー 福祉 環境 マイノリティ差別 格差問題 在琉植民地ぬ問題 ないだぬ問題ゆいるいるぬかたから とうらやー研究し 討論しうたない ばがさーるむぬん ういびとうん まーずんぶどうびはり かないびとうゆすだてーはるん。

うりからんまた くぬ学会なんがれー ゆぬしゆく独立ゆみーあていしいる グラム 台湾 ハワイ ニューカレドニア フランス領ポリネシアないだぬアジア太平洋ぬすますま スコットランド カタルーニャ フランドル バスク コルシカないだぬ欧州地域や独立国とうなるだ太平洋島嶼国ぬ びとうぬめーだーとうん まーぞうん研究交流ば しーみやー 琉球独立ぬたみなんが ていぬぬしうたぬ 国々とうんネットワークゆぱりみぐらしうん。 学会ぬ研究ぬ みどとうな なるばふまやー 国連ぬ各種委員会、国際会議かいいでえー琉球独立ぬたみぬ世界的はたらぎん すーばどうやる。

やまとうとうあめりかーだーから「奴隷」ンやーしあるかーれー にごうとうる うもうとうりう むぬんしるぬ状況なんがある 琉球民族や どう国ゆたてーてからどう びとうにんぎんかいなりびとうぬ尊厳 かいしやーるすますま いん ていん ふあーまー ぐわんすぬたましうば まむらなーかーならぬ。 あーらさーん琉球ぬくにゆたてーはるみちうなんがれーやまとうぬ政府 やまとうびうだー やまとうびとうでうむいる琉球民族 いるいるぬていしうみがくむんしーる びとうぬめーだー あんじるびとうぬめーだーぬ りくちうから ちちいくつふるゆ磨きはる たみなんがん 琉球民族独立総合研究学会ぬ活動やかしうーかしうーすーばどうやる。

ばがだーや国際人権規約共通第一条なんが決められーる「人民ぬ自己決定権」ぬあんなるすゆむとうに 琉球独立すーくとう むとうむとうぬ政治的地位ぬ現実ばみーざし「市民的及び政治的権利に関する国規約」ぬ第18条「思想、良心及び宗教の自由」、第19条「表現の自由」、第27条「少数民族の権利」なんがむとうかかり琉球独立ぬ たみぬ研究ゆ琉球民族ぬどうすすめーはるん。

琉球ぬ歴史上はじみていたていらるだ 琉球独立すんでーすー学会ぬはららぎし琉球ぬびとうぬ植民地ないしる「苦世(にがゆー)」からいでーたんがーぬ民族とうなり平和・自由・平等し生けーはるくとうぬなる「甘世(あまゆー)」ばびうとういやらばんはいしや みうーならしうたみ本学会ゆ設立しい、琉球や独立さーばどうやるでうむいる 琉球ぬ民族むーるかい くいゆたかーたかーし参加ゆくいかきるん。

癸巳四月六日(2013年5月15日)琉球ぬ独立ゆにがい。